


Պրակտիկայի բոլոր եղանակներ, միայն՝

ՀԿՊ ԿՆՆՏԿՈՄԻ
ՊՐՈՊԱԳԱՆԴԱՅԻ ԵՎ
ԱՂԻՏԱՅԻՆՅՈՒՆ ԲԱԺԻՆ



ОБЯЗАТЕЛЬНЫЙ
ЭКЗЕМПЛЯР

№ 21

ՆՈՅԵՄԲԵՐ

1955

ԲՈՎԱՆԴԱԿՈՒԹՅՈՒՆ

էջ

Նյութեր գրույցների համար

Հայաստանում սովետական կարգերի հաստատման 35-րդ տարեգարձը 1

Առաջավորների փորձից

Ա. Նիկողոսյան — Ի պատիվ ՍՄԿՊ 20-րդ համագումարի	24
Ա. Մկրտչյան — Առաջավոր բամբակագործների օրինակով	31
Յեզեկտաու բաժին — Կիպրոս	37
Օգնություն ագիտատուներին — Թեմաներ և գրականություն ագիտատուների գրույցների համար	40
Նոր գրքեր	47

Խմբագրության հասցեն. — Երևան, ՀԿՊ Կենտկոմ, 11 հարկ, 60-րդ սենյակ: Հեռախոս՝ 2—52—78:

3117-4-7

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ՀԱՅԱՍՏԱՆՈՒՄ ՍՈՎԵՏԱԿԱՆ ԿԱՐԳԵՐԻ ՀԱՍՏԱՏՄԱՆ 35-ՐԴ ՏԱՐԵԴԱՐԶԸ

Երեսունհինգ տարի առաջ, 1920 թվականի նոյեմբերի 29-ին, Հայաստանի աշխատավորները համախմբված Հոկտեմբերյան ռևոլյուցիայի հաղթական դրոշի ներքո, Կոմունիստական պարտիայի ղեկավարությամբ և ռուս ժողովրդի եղբայրական օգնությամբ տապալեցին անգլո-ամերիկյան իմպերիալիստների ստոր գործակալների, հայ ժողովրդի ամենաոխերիմ թշնամիների՝ դաշնականների արյունոտ լուծը և երկրում հաստատեցին սովետական կարգեր:

Հայաստանում Սովետական իշխանության հաստատումը Հոկտեմբերյան Սոցիալիստական Մեծ ռևոլյուցիայի հերթական հաղթանակներից էր: Սովետական Հայաստանը Հոկտեմբերյան ռևոլյուցիայի ծնունդն է, նրա զավակը: Այդ մեծ հաղթանակի շնորհիվ բազմաշարժար հայ ժողովուրդը փրկվեց ֆիզիկական բնաջնջման վտանգից, շահագործողների դաժան տիրապետությունից և ազ-

3134-55

գային վերածննդի, ազատ ու երջանիկ կյանքի կառուցման հնարավորություն ստացավ:

Հայ ժողովրդի ազատագրության կապակցությամբ Մեծ Լենինը գրում էր.

«Ողջունում եմ իմպերիալիզմի լծից ազատագրված աշխատավորական Սովետական Հայաստանին»: Նույն օրերին Ի. Վ. Ստալինը գրում էր. «Տանջված ու բազմաշարժար, Անտանտայի ու դաշնակիների ողորմածությամբ սովի, քայքայման ու գաղթի մատնված Հայաստանը, — բոլոր «բարեկամների» կողմից խաբված այդ Հայաստանը այժմ իր փրկությունը գտավ այն բանի մեջ, որ իրեն հայտարարեց սովետական երկիր:

... Միայն Սովետական իշխանության գաղափարը Հայաստանին բերեց խաղաղություն և ազգային վերածննդի հնարավորություն»:

Սովետական ժողովուրդների համերաշխ ընտանիքում, Կոմունիստական պարտիայի Լենինյան-ստալինյան ազգային քաղաքականության շնորհիվ, Հայաստանն անցած 35 տարիների ընթացքում աղքատ երկրից դարձավ առաջավոր ինդուստրիալ-կոլտնտեսային սոցիալիստական ռեսպուբլիկա՝ իր ծաղկուն, ձևով ազգային, բովանդակությամբ սոցիալիստական կոլտուրայով: Այսօր տնտեսության և կոլտուրայի բոլոր բնագավառ-

— 2 —

ներում ձեռք բերած վիթխարի նվաճումներով է հայ ժողովուրդը նշում իր փառապանծ հաղթանակի 35-րդ տարեդարձը:

Սովետական իշխանության տարիներին Հայաստանում բուռն թափով զարգացավ արդյունաբերությունը, հատկապես՝ ծանր արդյունաբերությունը:

Ռեսպուբլիկայում ստեղծվել են առաջավոր տեխնիկայով հագեցված էներգետիկ, մետալուրգիական, քիմիական, մեքենաշինական, լեռնահանքային, շինանյութերի, տեքստիլ-տրիկոտաժի, սննդի և արդյունաբերության բազմաթիվ այլ ճյուղեր: Հայաստանի արդյունաբերությունը, որն ըստ էության ստեղծվել է Սովետական իշխանության տարիներին, առանձնապես ուժեղ կերպով զարգացավ հետպատերազմյան տարիներին: Այդ ժամանակամիջոցում կառուցվել և շահագործման են հանձնվել 65 նոր խոշոր արդյունաբերական ձեռնարկություններ, այդ թվում՝ Կանազը, Գյումուշի, Սևանի և Զրախորի հիդրոէլեկտրակայանները, Կաբելի գործարանը, Մետաղյա ամանեղենի, Կոնյակի, Արզնու ապակյա տարայի, էլեկտրալամպերի, Արարատի ազրոշիֆերի, Թումանյանի հրակայուն աղյուսի գործարանները, նրբվանի բրդյա նուրբ գործվածքեղենի կոմբի-

— 3 —

նատր, Լենինի անվան մետաքսագործված-
քային ֆաբրիկան և այլ ձեռնարկություններ:
Միայն 1954 թվականին յուրացվեց 150 նոր
տեսակի արտադրանք: Ներկայումս ռեսպուբ-
լիկայի արդյունաբերական ձեռնարկություն-
ներն արտադրում են պղինձ, ալյումին, սին-
թետիկ կաուչուկ, պղնձարջասպ, ավտոդողեր,
գեներատորներ, տրանսֆորմատորներ,
կոմպրեսորներ, մետաղահատ հաստոցներ,
պարարտանյութեր, շինանյութեր, կաբելային
խորեր, հիդրոտուրբիններ, էլեկտրաշափիշ
գործիքներ, էլեկտրալամպեր, ավտոմոբիլա-
յին և տրակտորային մասեր, հրակայուն աղ-
յուղ, բրդյա, մետաքսյա և բամբակյա կտո-
րեղեն, կոշիկեղեն, պարենային բազմազան
ապրանքներ և արտադրանքի բազմաթիվ այլ
տեսակներ:

Ռեսպուբլիկայի արդյունաբերությունը
1954 թվականին, համեմատական գներով,
89 անգամ ավելի արտադրանք է տվել, քան
1953 թվականին և 1.082 անգամ ավելի, քան
1919 թվականին: Հայաստանի արդյունաբե-
րության արտադրանքը անընդհատ աճում է:
Մեր արդյունաբերական արտադրանքի ընդ-
հանուր ծավալը 1950 թվականի համեմատու-
թյամբ, 1954 թվականին աճել է 79,4 տոկո-
սով, իսկ 1940 թվականի համեմատությամբ՝

— 4 —

4,5 անգամ: Արդյունաբերական արտադրան-
քի թողարկման 1955 թվականի առաջին կի-
սամյակի պլանը կատարվել է 105 տոկոսով:
1954 թվականի առաջին կիսամյակի համե-
մատությամբ արդյունաբերության համա-
խառն արտադրանքն աճել է 14 տոկոսով,
աշխատանքի արտադրողականությունը բարձ-
րացել է 9 տոկոսով: Հնգամյակի եզրափակիչ
տարում արդյունաբերական արտադրանքի
ծավալը 1950 թվականի մակարդակը կգերա-
զանցի մոտ երկու անգամ: 1955 թվականին
ռեսպուբլիկան, համեմատական գներով, 102
անգամ ավելի արդյունաբերական արտա-
դրանք կտա, քան 1913 թվականին և 1.246
անգամ ավելի՝ քան 1919 թվականին:

Մանր արդյունաբերության արտադրանքի
ծավալը 1955 թվականին, 1950 թվականի
համեմատությամբ, աճել է մոտ 2,5 անգամ,
իսկ 1940 թվականի համեմատությամբ՝ 8,5
անգամ: Ռեսպուբլիկայում ստեղծված է հզոր
էներգետիկ արդյունաբերություն: Նախա-
ռևոլյուցիոն ժամանակի մի քանի խղճուկ
էլեկտրակայանների փոխարեն այժմ Հա-
յաստանում գործում են 112 էլեկտրակայան:
Տարեցտարի շարք են մտնում նոր հիդրոէ-
լեկտրակայաններ և ավելանում է էլեկտրա-
էներգիայի արտադրությունը: 1955 թվակա-

նին, 1950 թվականի համեմատությամբ, էլեկտրաէներգիայի արտադրությունը ավելացել է 2,2 անգամ, իսկ 1940 թվականի համեմատությամբ՝ 5,2 անգամ: Ներկայումս Հայաստանի հիդրոէլեկտրակայանները 320 անգամ ավելի շատ էներգիա են արտադրում, քան 1913 թվականին, կամ ռեսպուբլիկայի էլեկտրակայանները մեկ օրում ավելի շատ էլեկտրաէներգիա են տալիս, քան ամբողջ 1913 թվականին: Եթե մեր ռեսպուբլիկայում բնակչության յուրաքանչյուր շնչին ընկնում է տարեկան 1.615 կիլովատ-ժամ էլեկտրաէներգիա, ապա Ֆրանսիայում ընկնում է 918, Մեծ Բրիտանիայում (առանց Հյուսիսային Իռլանդիայի)՝ 910, Իտալիայում՝ 602 և Իսպանիայում՝ 433 կիլովատ-ժամ էլեկտրաէներգիա: Կամ մեզանում բնակչության յուրաքանչյուր շնչին ընկնում է տարեկան 30 անգամ ավելի էլեկտրաէներգիա, քան Թյուրքիայում և 100 անգամ ավելի, քան Իրանում:

Էլեկտրաարդյունաբերության բնագավառում այս մեծ նվաճումների հետ մեկտեղ ուժգին թափով կառուցվում են նոր հզոր հիդրոէլեկտրակայաններ՝ Զանգու, Դեբեդ գետերի վրա, որոնք ռեսպուբլիկայի բուռն թափով զարգացող արդյունաբերությանը մատակարարելու են էլեկտրաէներգիա:

— 6 —

Ռեսպուբլիկայում արագ տեմպերով է զարգանում ծանր արդյունաբերության սիրտը հանդիսացող մեքենաշինությունը և մանավանդ էլեկտրամեքենաշինությունը: Դրանց արտադրանքը վերջին 4 տարում ավելացել է 2,7 անգամ: 1954 թվականին, 1940 թվականի համեմատությամբ, մեքենաշինական արդյունաբերության համախառն արտադրանքի թողարկումը աճել է 42,3 անգամ: Մեքենաշինությունը դարձել է ռեսպուբլիկայի արդյունաբերության առաջատար ճյուղերից մեկը:

Մեծ չափով է աճել նաև գունավոր մետալուրգիան, քիմիական, լեռնահանքային արդյունաբերությունը, որոնց զարգացման համար լայն հեռանկարներ կան ռեսպուբլիկայում, և ծանր արդյունաբերության այլ կարեւոր ճյուղեր:

Սոցիալիստական էկոնոմիկայի հիմքերի հիմքը հանդիսացող ծանր ինդուստրիայի առավել զարգացմանը զուգընթաց և նրա բազայի վրա մեր ռեսպուբլիկայում ստեղծվել է զարգացած թեթև ու սննդի արդյունաբերություն, որոնք տարեկան տալիս են հարյուրավոր տեսակի արտադրանք: Միայն սննդի արդյունաբերությունը թողարկում է ավելի քան 400 տեսակի արտադրանք: Տարեցտարի մեծ չափով աճում է արտադրանքի թողարկումը:

— 7 —

Բավական է նշել, որ վերջին շորս տարվա ընթացքում բրդյա կտորեղենի արտադրությունն ավելացել է 3,6 անգամ, մետաքսյա կտորեղենինը՝ 2,6 անգամ, գորգեղենինը՝ 3,2 անգամ, կոշիկեղենինը՝ 1,4 անգամ, պահածոներինը՝ 1,8 անգամ, բուսական յուղի արտադրությունը՝ 1,6 անգամ, շաքարինը՝ մոտ 2 անգամ և այլն։ Իսկ 1940 թվականի համեմատությամբ, 1954 թվականին կաշվի-կոշիկեղենի արտադրությունն ավելացել է 3,4 անգամ, տրիկոտաժինը՝ 4,9 անգամ, գորգեղենինը՝ մոտ 5 անգամ, մահճակալներինը՝ 7 անգամ, գուլպայի արտադրությունը՝ ավելի քան 2 անգամ, պահածոներինը՝ 2,3 անգամ, մսինը՝ 1,6 անգամ, երշիկեղենի արտադրությունը՝ մոտ 3 անգամ, կենդանական յուղինը՝ 2 անգամ, պանրինը՝ մոտ 4 անգամ և այլն։ Բրդյա և մետաքսյա կտորեղենի արտադրությունը հիմնականում ստեղծվել է հետպատերազմյան տարիներին։ 1954 թվականին լայն սպառման ապրանքների արդյունաբերության ձեռնարկությունները բաց են թողել 3 միլիոն 650 հազար մետր մետաքսյա և 2 միլիոն մետր բրդյա կտորեղեն։ 1955 թվականի առաջին կիսամյակի ընթացքում Հայկական ՍՍՌ-ի լայն սպառման արդյունաբերական ապրանքների միլիատրության ձեռ-

— 8 —

նարկությունները պլանից ավելի թողարկել են 15,8 միլիոն ռուբլու արտադրանք։ Վեց ամսում լրացուցիչ արտադրվել է 34 հազար մետր բրդյա, 67 հազար մետր մետաքսյա գործվածք, 37 հազար կտոր տրիկոտաժե վերնազգեստ, 30 հազար զույգ կոշիկ, 31 հազար քառակուսի դեցիմետր փափուկ կաշի, տղամարդու 7.500 կոստյում և այլն։ Այդ նույն ժամանակամիջոցում աշխատանքի արտադրողականությունը բարձրացել է 4,2 տոկոսով։ Ամբողջ ապրանքային արտադրանքի ինքնարժեքն իջել է 6 միլիոն 184 հազար ռուբլով։

Ռեսպուբլիկայում լայն սպառման ապրանքների արտադրությունը 1955 թվականին, 1950 թվականի համեմատությամբ, կաճի 1,7 անգամ, 1940 թվականի համեմատությամբ՝ 2,9 անգամ։ Չնայած ժողովրդական սպառման ապրանքների արտադրության այսպիսի բարձր աճին, այնուամենայնիվ ներկայումս մեծ ուշադրություն է դարձվում նրանց արտադրության հետագա ծավալմանը, մասնավորապես ասորտիմենտի լայնացմանը և արտադրանքի որակի բարելավմանը։ Այդ նպատակով կառուցվում և վերակառուցվում են թեթև ու սննդի արդյունաբերության մի շարք գործարաններ Երևանում, Լենինա-

— 9 —

կանում, Կիրովականում, Ղափանում և մյուս քաղաքներում: Առաջիկա երկու տարում պետք է յուրացվի լայն սպառման արդյունաբերական և պարենային ապրանքների ավելի քան 55 նոր տեսակների արտադրությունը:

Ամբողջ արդյունաբերության զարգացման հետ միասին աճել է Սովետական Հայաստանի բանվոր դասակարգը: Արդյունաբերության մեջ զբաղվող բանվորների թիվը 1954 թվականին, 1940 թվականի համեմատությամբ, ավելացել է 2,5 անգամ, իսկ յուրաքանչյուր բանվորին ընկնող մոտոռալին կարողությունը ավելացել է 2,1 անգամ:

Խոշոր հաջողությունների է հասել նաև ռեսպուբլիկայի սոցիալիստական գյուղատնտեսությունը: Տարեցտարի ավելանում են գյուղատնտեսության համախառն արտադրանքը, կոլտնտեսությունների և սովխոզների ցանքատարածությունները և նրանց բերքատվությունը, անասունների գլխաքանակն ու մթերատվությունը, ՄՏ կայանների տեխնիկական զինվածությունը և կոլտնտեսությունների ու կոլտնտեսականների եկամուտները:

Գյուղատնտեսության բնագավառում նշանակալից հաջողություններ են ձեռք բերվել

— 10 —

հատկապես վերջին 2 տարվա ընթացքում, երբ ռեսպուբլիկայի աշխատավորները, ինչպես և ամբողջ սովետական ժողովուրդը, կենսագործում են կոմունիստական պարտիայի պատմական որոշումները սոցիալիստական գյուղատնտեսության շեշտակի վերելքի մասին:

Ռեսպուբլիկայի ցանքատարածությունները, 1913 թվականի համեմատությամբ, 1954 թվականին ավելացան 1,4 անգամ, 1919 թվականի համեմատությամբ՝ 5,4 անգամ, այդ թվում տեխնիկական կուլտուրաների ցանքատարածությունները ավելացան համապատասխանաբար 1,7 և 21 անգամ, բանջարանոցային կուլտուրաներին՝ 2 և 92 անգամ:

Զգալի չափով աճել է կոլտնտեսությունների տնտեսական հզորությունը: 1954 թվականին, 1940 թվականի համեմատությամբ, կոլտնտեսությունների դրամական եկամուտները ավելացել են ավելի քան 2,5 անգամ, իսկ 1950 թվականի համեմատությամբ՝ ավելի քան 40 տոկոսով: Արտադրության հիմնական միջոցներն ու անբաժանելի ֆոնդը 1954 թվականին ավելացել են՝ 1940 թվականի համեմատությամբ 3,7 անգամ, իսկ 1950 թվականի համեմատությամբ՝ 30 տոկոսով: Այս տարի գերակատարվեց գարնանացան

կուլտուրաների և հատկապես հացահատիկային կուլտուրաների ցանքի պլանը: Ընդ որում կուլտնտեսությունները ցանեցին ավելի քան 13 հազար հեկտար եգիպտացորեն: Այս տարի աճեցվեց հացահատիկի, խաղողի, կարտոֆիլի, ճակնդեղի, ծխախոտի և այլ կուլտուրաների լավ բերք, դրանց բերքատվությունը զգալիորեն բարձր եղավ նախորդ տարվա համեմատությամբ և հաջողությամբ կատարվեցին հացահատիկային ու մյուս կուլտուրաների պետական մթերումները:

Սովետական իշխանության տարիներին զգալիորեն ընդարձակվել է ոռոգման ցանցը: 1954 թվականին, 1913 թվականի համեմատությամբ, ջրովի հողերի տարածությունը ավելացել է մոտ 2,5 անգամ:

Ռեսպուբլիկայի գյուղատնտեսության կարեվորագույն ճյուղերից է դարձել խաղողագործությունն ու պտղաբուծությունը: Ներկայումս խաղողի այգիների տարածությունը ավելի քան 4 անգամ շատ է, քան 1913 թվականին: Խաղողագործությունն ու պտղաբուծությունը մեղանում զարգացման մեծ հեռանկար ունեն: Ամեն տարի տնկվում են հարյուրավոր հեկտար նոր այգիներ:

Ռեսպուբլիկայի աշխատավորները զգալի հաջողությունների են հասել հանրային ա-

— 12 —

նասնաբուծության ասպարեզում: 1954 թվականի հոկտեմբերի 1-ից մինչև 1955 թվականի հոկտեմբերի 1-ը, 1953/1954 թվականի նույն ժամանակաշրջանի համեմատությամբ, կուլտնտեսություններում կաթի արտադրությունը ավելացել է 25,6 տոկոսով: Այս տնտեսական տարում մեկ ֆուրաժային կովի միջին կաթնատվությունը հասավ 1096 կիլոգրամի, անցյալ տնտեսական տարվա 943 կիլոգրամի դիմաց: Անասունների կաթնատվության բարձրացման գործում լավագույն ցուցանիշների են հասել Շահումյանի, Ղուկասյանի, Սևանի, Շամշադինի և մի շարք այլ շրջանների կուլտնտեսությունները: Շահումյանի շրջանի կուլտնտեսությունները կաթի ստացման տարեկան պլանը կատարեցին ժամկետից մեկ ամիս շուտ և յուրաքանչյուր կովից միջինը ստացան 2.649 կիլոգրամ կաթ: Զգալի չափերով աճել է նաև բրդի, մսի, ձվի և գյուղատնտեսական մյուս մթերքների արտադրությունը:

Կուլտնտեսությունները հաջող կերպով կատարեցին 1955 թվականի գյուղատնտեսական մթերքների պետական մթերումների պլանը, իսկ շատ կուլտնտեսություններ գերակատարեցին այն:

Զգալի չափով ավելացել է կուլտնտեսությունների, ինչպես նաև կուլտնտեսական-

— 13 —

ների ու բանվոր-ծառայողների անասունների գլխաքանակը:

Ռեսպուբլիկայի կոլտնտեսությունների խոշոր եղջերավոր անասունների գլխաքանակը 1954 թվականին, 1940 թվականի համեմատությամբ, աճել է մոտ 34 տոկոսով, այդ թվում կովերինը՝ ավելի քան 2 անգամ, մանր եղջերավորներինը՝ ավելի քան 2 անգամ, խոզերինը՝ ավելի քան 3 անգամ:

Կոլտնտեսականների խոշոր եղջերավոր անասունների գլխաքանակը 1954 թվականին, 1950 թվականի համեմատությամբ, աճել է մոտ 60 տոկոսով, այդ թվում կովերինը՝ 29 տոկոսով, մանր եղջերավորներինը՝ ավելի քան 2 անգամ, խոզերինը՝ մոտ 3,5 անգամ:

Միայն այս տնտեսական տարում կոլտնտեսականների անձնական սեփականություն հանդիսացող կովերի գլխաքանակը, անցյալ տարվա համեմատությամբ, ավելացել է մոտ 13 տոկոսով, իսկ ոչխարներինը՝ մոտ 38 տոկոսով:

Անասունները կերով ապահովելու համար, անցյալ տարվա համեմատությամբ, այս տարի հնձված են բնական խոտհարքներ 28 տոկոսով, ցանովի խոտհարքներ 81 տոկոսով ավելի: Այս տարի կուտակվել է 66 տոկոսով ավելի սիլոս և 2 անգամ ավելի շատ խոտ, քան անցյալ տարի:

— 14 —

Հայաստանի տնտեսաբուծությունը հետագա զարգացման լայն հեռանկարներ ունի: Հունվարյան պլենումի որոշմանը համապատասխան, նախատեսվում է մինչև 1960 թվականը մսի արտադրությունը ավելացնել՝ հասցնելով 56 հազար տոննայի, կաթինը՝ 385 հազար տոննայի, բրդինը՝ 4,3 հազար տոննայի և ձվինը՝ 195 միլիոն հատի: Այս ծրագրի իրականացման դեպքում, որը ռեալ է, անասնաբուծական մթերքների արտադրությունը յուրաքանչյուր 100 հեկտար հողային տարածության դիմաց կկազմի միս՝ 39 ցենտներ, կաթ՝ 264 ցենտներ, բուրդ՝ 320 կիլոգրամ և ձու (100 հեկտար հացահատիկային կուլտուրաների դիմաց) 63 հազար հատ: Մեր գյուղատնտեսությունը խոշոր հրաշալիքությունների ունի այդ առաջադրանքները կատարել ոչ թե 5—6 տարում, այլ 2—3 տարում: Արդեն բազմաթիվ կոլտնտեսություններ այդպիսի պարտավորություններ են վերցրել:

Սովետական Հայաստանում ներկայումս հաշվվում է 875 կոլտնտեսություն, 46 սովխոզ, 58 ՄՏ կայան: ՄՏ կայաններում կան հազարավոր տրակտորներ, կոմբայններ և գյուղատնտեսական այլ մեքենաներ: Գյուղատնտեսական հիմնական աշխատանքների

մեքենայացմամբ խոշոր չափով թեթևացել է մեր կոլտնտեսականների աշխատանքը և բարձրացել նրանց կուլտուր-տեխնիկական մակարդակը: Գյուղատնտեսական մեքենաների թիվը միշտ ավելանում է: ՄՏ կայանների տրակտորային պարկի հզորությունը 1954 թվականին, 1940 թվականի համեմատությամբ, ավելացավ մոտ 3 անգամ, այդ նույն ժամանակամիջոցում տրակտորների թիվը ավելացավ ավելի քան 2 անգամ, կոմբայնների թիվը՝ 2,7 անգամ: Ռեսպուբլիկայի կոլտնտեսությունների մոտ 95 տոկոսը սպասարկվում են ՄՏ կայանների կողմից:

Մեր ռեսպուբլիկայի գյուղատնտեսության հիանալի նվաճումները ամեն տարի լայնորեն ցուցադրվում են մշտապես գործող Համամիութենական Գյուղատնտեսական Ցուցահանդեսի Հայկական ՍՍՌ-ի պալիլիոնում: Ցուցահանդեսի այս տարվա 1.261 մասնակիցների մեջ հաշվվում են 32 կոլտնտեսություն, 25 ֆերմա, 8 սովխոզ, 13 գիտահետազոտական ինստիտուտ, 2 ՄՏ կայան, մեկ շրջան (Շահումյանի), 740 կոլտնտեսական, 77 մեխանիզատոր, 89 սովխոզային աշխատող, 35 գիտաշխատող, 92 պատանի բնասեր և այլն: Այս տարի նրանում բացվեց

— 16 —

Հայաստանի Գյուղատնտեսական ցուցահանդեսը, ուր ավելի լայնորեն են ներկայացվում ռեսպուբլիկայի գյուղատնտեսության հաջողությունները:

Սովետական երկրի, այդ թվում Հայաստանի ժողովրդական տնտեսության զարգացման անշեղ վերելքի հիման վրա բարձրանում է աշխատավորների բարեկեցությունը, որը ընդհանուր է ամբողջ սովետական ժողովրդի համար: Աներդհատ աճում են բանվոր-ծառայողների ռեալ աշխատավարձը և կոլտնտեսականների եկամուտները: Դրա շնորհիվ տարեցտարի ավելանում է պետական ու կոոպերատիվ մանրածախ առևտրի շրջանառությունը: 1954 թվականին, 1940 թվականի համեմատությամբ, ռեսպուբլիկայում մանրածախ ապրանքաշրջանառությունը (համեմատական գներով) աճեց ավելի քան 2 անգամ, իսկ 1953 թվականի համեմատությամբ՝ ավելի քան 19 տոկոսով: 1955 թվականի առաջին կիսամյակի ապրանքաշրջանառության պլանը կատարվեց 102 տոկոսով:

Կոմունիստական պարտիան և կառավարությունը մշտական հոգատարություն են ցուցաբերում աշխատավորների նյութական-կուլտուրական պայմանների և առողջապահու-

թյան բարելավման նկատմամբ: Այդ նպատակների համար բյուջետային հատկացումները տարեցտարի ավելանում են: Միայն 1950—1954 թվականների ընթացքում Հայաստանում բնակարանային շինարարության մեջ ներդրվել է 338 միլիոն ռուբլի, շահագործման է հանձնվել ավելի քան 240 հազար քառակուսի մետր բնակելի տարածություն: Քաղաքներում և գյուղերում կառուցվել են 20 հազար անհատական բնակելի տուն, 76 դպրոց, մոտ 500 խանութ և այլն:

Հայաստանի զարգացող արդյունաբերության, գիտության ու կուլտուրայի կենտրոն է դարձել Նրևանը, ուր վերջին 4 տարիների ընթացքում կառուցվել և շահագործման է հանձնվել ավելի քան 90 հազար քառակուսի մետր բնակելի տարածություն: 1955 թվականին կառուցվելու է մոտ 39 հազար ք. մ. բնակելի տարածություն, իսկ եկող տարիներից բնակելի շինարարության վրա ներդրվելու են 2 անգամ ավելի միջոցներ, քան անցյալ տարի:

Մեր ռեսպուբլիկայում բնակարանային շինարարությունը, քաղաքների ու գյուղերի բարեկարգումը գնալով է՛լ ավելի է ծավալվում:

Խոշոր հաջողություններ են ձեռք բերված

— 18 —

աշխատավորների բուժսպասարկման գործում: 1913 թվականի համեմատությամբ հիվանդանոցների թիվը ավելացել է 12 անգամ, նրանցում եղած մահճակալներինը՝ 51 անգամ, դեղատներինը՝ 11 անգամ: Եթե 1913 թվականին Հայաստանում կար ընդամենը 57 բժիշկ, ապա 1954 թվականին բժիշկների թիվը հասավ 3.166-ի կամ ավելացավ մոտ 56 անգամ: Բուժհիմնարկների քանակը ռեսպուբլիկայում 1940 թվականի համեմատությամբ կրկնապատկվել է, այդ թվում գյուղական վայրերում մոտավորապես եռապատկվել է: Եթե 1913 թվականին Հայաստանի գյուղական վայրերում ոչ մի բժշկական հիմնարկ չկար, ապա ներկայումս ռեսպուբլիկայի գյուղական բնակչությանը սպասարկում են 126 հիվանդանոց, բազմաթիվ բուժման կարճաժամկետ կետեր, ծննդատներ և այլ բուժ հիմնարկներ, որտեղ աշխատում են հազարավոր բժիշկներ և այլ բուժ-աշխատողներ:

Սովետական իշխանության տարիներին Հայաստանում կառուցվել են 21 սանատորիա և մի շարք հանգստի տներ: Ռեսպուբլիկայի, ինչպես և Սովետական Միության մյուս սանատորիաներում ու հանգստի տներում ամեն

տարի բուժվում ու հանգստանում են բազմահազար աշխատավորներ:

Սովետական իշխանությունը բացառիկ հոգատարություն է ցուցաբերում մոր ու մանկան նկատմամբ: Բազմազավակ մայրերը ստանում են պետական նպաստներ: Մանդատներում մահճակալների թիվը 1954 թվականին, 1940 թվականի համեմատությամբ ավելացավ մոտ 2 անգամ, մեծ չափով ավելացավ նաև մանկամսուրների ու մանկապարտեզների և նրանցում ընդգրկված երեխաների թիվը:

Առողջապահության և ժողովրդի այլ կարիքների համար բյուջետային հատկացումները ամեն տարի շատանում են: Ժողովրդի բարեկեցության անշեղ վերելքի և բժշկական սպասարկման շնորհիվ տարեցտարի ավելանում է ծննդաբերությունը, պակասում հիվանդությունները և հիվանդություններից առաջ եկող մահացությունները:

Շատ խոշոր են Սովետական Հայաստանի նվաճումները գիտության ու կուլտուրայի զարգացման բնագավառներում: Միայն սովետական իշխանության օրոք հայ ժողովուրդը հնարավորություն ունեցավ ստեղծել գիտական մտքի կենտրոն՝ Գիտությունների ակադեմիա: Հայաստանի Գիտությունների

— 20 —

ակադեմիան ունի 30-ից ավելի գիտահետազոտական ինստիտուտ և հարյուրավոր գիտական աշխատողներ, որոնք լուծել ու մշակում են տնտեսական ու գիտական արժեքավոր պրոբլեմներ:

Ռեսպուբլիկայում ակադեմիայից բացի, գիտական աշխատանք է տարվում նաև գիտահետազոտական ինստիտուտներում և մյուս ինստիտուտներում: Հայաստանի գիտնականները կարևոր ավանդ են մտցրել սովետական և նույնիսկ համաշխարհային գիտության մեջ: Նախասովետական Հայաստանը զուրկ էր որևէ բարձրագույն ուսումնական հաստատությունից, իսկ այժմ գործում են 16 բարձրագույն տաղմանական հաստատություն, այդ թվում՝ 5-ը հեռակա, որոնցում սովորում է ավելի քան 18 հազար ուսանող: Ռեսպուբլիկան ունի 45 տեխնիկում, ուր սովորում է մոտ 16.000 ուսանող. ԲՈՒՀ-երն ու տեխնիկումները երկրին տալիս են տարեկան հազարավոր մասնագետներ:

Ժողովրդական կրթության մակարդակով Հայաստանը ետ է թողել ամենազարգացած կապիտալիստական երկրներին: Ներկայումս մեր ռեսպուբլիկայում գործում են 1.187 տարրական, յոթնամյա և միջնակարգ դպ-

րոցներ, անցյալ տարվա 1.148-ի փոխարեն, ուսուցիչների թիվը հասնում է 18.339 հոգու, անցյալ տարվա 16 հազարի փոխարեն, աշակերտների թիվը հասնում է մոտ 300 հազարի:

Հայաստանը ծածկվել է կուլտուր-լուսավորական հիմնարկների խիտ ցանցով: Ռեսպուբլիկայում այժմ գործում են շրջանային և քաղաքային 52 կուլտուրայի տուն, մոտ հազար գյուղական և քաղաքային ակումբ, 14 թանգարան և տուն-թանգարան, 1.400 գրադարան, 300 շրջիկ կինո, ստացիոնար կինոկետեր և կինոթատրոններ:

Ռադիոն մուտք է գործել ամենահեռավոր գյուղերը: Ներկայումս հաշվվում է ավելի քան 82.700 ռադիոկետ, 55.300 ռադիոընդունիչ: Միայն կոլտնտեսային գյուղում ռադիոկետերի թիվը հասնում է 38 հազարի, իսկ ռադիոընդունիչներինը՝ 14 հազարի: Այժմ գյուղի աշխատավորներն ստանում են ավելի քան 110 հազար օրինակ ամսագիր և թերթ: Հայաստանն ունի իր օպերան, դրամատիկ թատրոններ, կինոստուդիա և կուլտուրայի այլ օջախներ:

Հայաստանում լայնորեն զարգացել է տրպազրությունը: Տարեկան լույս են տեսնում հարյուրավոր անուն քաղաքական, գեղար-

— 22 —

վեստական և գիտական գրքեր, ամսագրեր և թերթեր՝ բազմամիլիոն տիրաժներով և արագորեն տարածվում ժողովրդի մեջ:

1954 թվականին հրատարակվել է 900 անուն գիրք՝ 6 միլիոն 400 հազար տիրաժով, որը 2,3 անգամ շատ է, քան 1940 թվականին հրատարակված գրքերի տիրաժը:

Մեծ զարգացում է ունեցել սովետահայ արվեստն ու գրականությունը:

Հայաստանի բազմադարյան կուլտուրան ծաղկման հասավ միայն սովետական հասարակարգում:

Հայաստանի աշխատավորները արդյունաբերության, գյուղատնտեսության, գիտության ու կուլտուրայի ասպարեզներում այս վիթխարի հաջողությունները ձեռք են բերել սովետական իշխանության շնորհիվ, Կոմունիստական պարտիայի և Սովետական կառավարության իմաստուն քաղաքականության շնորհիվ:

Հայ ժողովուրդը, Սովետական Միության մյուս ժողովուրդների հետ միասին նորանոր հաջողությունների կհասնի Կոմունիստական շինարարության ասպարեզում:

Ի ՊԱՏԻՎ ՍՄԿՊ 20-ՐԴ ՀԱՄԱԳՈՒՄԱՐԻ

Ա. ՆԻԿՈՂՈՍՅԱՆ

Երևանի էլեկտրալուսավորման արմատուղայի գործարանի դիրեկտոր

Մեր գործարանի կոլեկտիվը արտադրական մեծ վերելքով է դիմավորում Սովետական Միության Կոմունիստական պարտիայի 20-րդ համագումարը: Գործարանի կոլեկտիվը լուրջ աշխատանք է կատարել ՍՄԿՊ Կենտկոմի Հոլիսյան պլենումի որոշումները կենսագործելու ուղղությամբ: Այժմ մեր գործարանը թողարկում է բացառապես ազգաբնակչության կարիքները բավարարող ապրանքներ: Օրինակ, թխվածքեղենի համար գործարանը արտադրում է «հրաշք» տիպի էլեկտրադուխովկա, որը տնտեսուհիներին ազատում է կերոսինայի և սովորական վառարանային պայմաններում թխվածքներ պատրաստելու ծանր ու անմաքուր աշխատանքից: «Էժ—1» տեսակի էլեկտրաեփիչով կարելի է պատրաստել սոուզ, ժարկո, կոտլետներ, խորոված և այլ տեսակի ճաշեր:

— 24 —

Մեր գործարանը արտադրում է նաև էլեկտրավառարաններ, բազմատեսակ ու տարբեր մեծությամբ լուսամփոփներ և զանազան այլ իրեր, որոնք իրենց արտաքին տեսքով ու որակական բարձր հատկանիշներով բարձր գնահատության են արժանանում սպառողների կողմից:

Վերջին ժամանակներս մեծ աշխատանք է տարվում մեր արտադրած առանձին առարկաների կատարելագործման ուղղությամբ: Շուտով մենք արտադրելու ենք էլեկտրադուխովկա «ԷԴ—2», որը նախորդից տարբերվելու է էլեկտրական հոսանքի երկկողմանի (վերևից և ներքևից) միացման հարմարանքով: Նոր էլեկտրաեփիչ «Էժ—2»-ը բավականին կրճատելու է կերակրի եփման ժամանակը: Տնային տնտեսուհիների համար պատրաստվում է գեղեցիկ նվեր՝ նոր կոնստրուկցիայի լվացքի մեքենաներ, որոնք իրենց օժանդակ լրացուցիչ հարմարանքներով ավելի կատարյալն են լինելու, քան նրանք, որոնք ներկայումս թողարկվում են մեր Միության տարբեր քաղաքներում: Լվացքի մեքենաների մասսայական արտադրությունը սկսվելու է 1956 թվականի երկրորդ կեսից:

Հայկական ՍՍՌ Մինիստրների Սովետի

որոշման համաձայն գործարանը շուտով պատրաստելու է նաև էլեկտրամիուլտներ, միացուցիչներ, անջատիչներ, շտեպսելներ և այլ իրեր, որոնցով լիովին ապահովվելու են ռեսպուբլիկայի պահանջները, միմասն էլ վաճառքի է հանվելու եղբայրական ռեսպուբլիկաներում: Մեր արտադրանքի շատ տեսակներ մեծ ընդունելություն են գտել և հավանության արժանացել Թբիլիսիի, Բաքվի, Սոչիի, Խարկովի, Կիևի, Ստալինոյի, Կույբիշևի, Տաշքենդի, Սամարղանդի և բազմաթիվ այլ քաղաքների սպառողների կողմից:

Վերջերս մեր գործարանի հասցեով բազմաթիվ նամակներ են ստացվել Մոսկվայից, Լենինգրադից, Ուլրախնայից, Տաշքենդից, Ստալինգրադգէսի աշխատողներից, որով նրանք բարձր գնահատական են տալիս մեր արտադրանքին:

Արտադրանքի որակը բարելավելու և առաջավոր տեխնիկան արմատավորելու նրապատակով տարեկան մեկ անգամ կազմակերպում ենք արտադրական էքսկուրսիա դեպի մեր երկրի նույնատիպ առաջավոր գործարանները, նրանց փորձին ծանոթանալու համար: Տարբեր ժամանակներում մեր բան-

— 26 —

վորները եղել են Մոսկվայի, Լենինգրադի, Ռիգայի և Խարկովի գործարաններում:

Մեր գործարանը հնգամյակով նախատեսված իր արտադրական պլանները կատարել է ժամկետից 15 ամիս շուտ, այսինքն՝ 1954 թվականի սեպտեմբերի 20-ին: Բացի այդ, գործարանի կոլեկտիվը խոստացել է մինչև հնգամյակի վերջը երկրին տալ տասնյակ միլիոն ռուբլու արտապլանային արտադրանք:

Վերջին 9 ամսում զգալիորեն բարձրացել է աշխատանքի արտադրողականությունը, թողարկվող արտադրանքի ինքնարժեքը պլանային 13 տոկոսի փոխարեն իջեցված է 15,4 տոկոսով: 1946 թվականի երկու ցեխի փոխարեն գործարանը ներկայումս ունի ութ ցեխ: Եկող տարի բացվելու է ևս երկու նոր ցեխ՝ լվացքի մեքենաների պատրաստման և մետաղապատման ցեխերը:

Տարեց-տարի ավելանում է ռացիոնալիզատորական ու նորարարական առաջարկությունների քանակը: Եթե անցած չորս սարիների ընթացքում գործարանում կիրառվել է ընդամենը 60 ռացիոնալիզատորական առաջարկություն, որը տվել է 200 հազար ռուբլու խնայողություն, ապա միայն վերջին 8 ամսում արտադրության մեջ ներդրված է

21 առաջարկություն, որից արդեն ստացվել է 180 հազար ռուբլու օգուտ:

Գործարանի կոլեկտիվը ներկայումս մտնելով ՍՄԿՊ-ի 20-րդ համագումարի պատվին ծավալված սոցիալիստական մրցության մեջ, պարտավորվել է յուրացնել էլեկտրալուսավորման արմատավորացի արտադրման նորագույն տեխնոլոգիան և մինչև 1955 թվականի վերջը տալ չորս նոր տեսակի լուսամոմիլներ, իսկ 1956 թվականին դրանց քանակը հասցնել մինչև 8-ի: Գործարանում մեծ տեղ է հատկացվում նաև արտադրական առանձին պրոցեսների մեքենայացմանը: Այժմ մեքենայացվում են հումքի և պատրաստի արտադրանքի տեղափոխման աշխատանքները, կառուցվում է բեռնատար լիֆտ, որի գործարկումից հետո զգալի չափով կբարձրանա աշխատանքի արտադրողականությունը: Միաժամանակ լարված աշխատանքներ են գնում գունավոր մետաղները էլեկտրական եղանակով հալելու ուղղությամբ, որը հնարավորություն կտա կիսով չափ կրճատել ձեռքի աշխատանքը և կրկնակի չափով ավելացնել արտադրանքի թողարկումը:

Գործարանի կոլեկտիվը պարտավորվել է 1955 թվականի պլանը կատարել մինչև նո-

— 28 —

յեմբերի 23-ը, պլանից դուրս երկրին տալ հսկայական քանակությամբ արտադրանք:

Բանվորների մասնագիտական պատրաստականությունը բարձրացնելու նպատակով մեզ մոտ գործում է տեխմինիմումի խմբակը, ուր ընդգրկված են 35 հոգի: Տեխնոլոգումը միաժամանակ հնարավորություն է տալիս բանվորներին ավելի ակտիվորեն մասնակցելու ռացիոնալիզատորական աշխատանքներին և այդ ճանապարհով բարձրացնելու թողարկվող արտադրանքի քանակն ու որակը: Ռացիոնալիզատորական առաջարկություններով հաճախ հանդես են գալիս այն ընկերները, որոնք ժամանակին իրենց որակավորումը ստացել են տեխնոլոգիան խմբակում: Բացի այդ, ռացիոնալիզատորների համար գործում են 40-ժամյա դասընթացներ, ուր նրանց ծանոթացնում են արտադրության տնտեսական ու ֆինանսական հիմունքներին: Հատուկ ուշադրություն է դարձվում նաև բանվոր երիտասարդության ընդհանուր պատրաստականությունը բարձրացնելու վրա: Երիտասարդ բանվորների մի մասն ընդգրկված է գիշերային տեխնիկումներում իսկ մի մասը՝ բաներիտ դպրոցներում: Առանձին ընկերներ հաճախում են

— 29 —

բարձրագույն ուսումնական հաստատություններ:

Այժմ գործարանի բոլոր ցեխերում ծավալվել է գործարար սոցիալիստական մրցություն՝ Սովետական Միության Կոմունիստական պարտիայի XX համագումարի պատվին: Կ. Նազարյանի, Կ. Շարաբխանյանի, Կ. Տեր-Սերոբյանի, Ա. Խալումյանի, Լ. Բեգլարյանի բրիգադաները ցույց են տալիս աշխատանքի լավագույն օրինակներ, ամսեամիս իրենց արտադրական պլանները կատարելով 120—130 տոկոսով:

Ծավալված սոցիալիստական մրցությանը նոր թափ հաղորդելու համար դիրեկտորական ֆոնդից առանձնացված է հատուկ գումար՝ առաջավորներին պարգևատրելու նպատակով: Բացի այդ, սահմանված է միջցեխային փոխանցիկ դրոշ, որը ներկայումս գտնվում է լուսամփոփի ցեխի բանվորների ձեռքում: Վեց հոգի պարգևատրված են Հայկական ՍՍՌ Գերագույն Սովետի Պատվոգրով և 11 հոգի Հայկական ՍՍՌ Մինիստրների Սովետի ու ՀԱՄԽ-ի պատվոգրերով:

Գործարանի կոլեկտիվը պարտիական կազմակերպության օգնությամբ ուղեկալարությամբ ուժ չի խնայում արժանավայել գիմավորելու մեր պարտիայի XX համագումարը:

ԱՌԱՋԱՎՈՐ ԲԱՄԲԱԿԱԳՈՐԾՆԵՐԻ ՕՐԻՆԱԿՈՎ

Ա. ՄԿՐՏՉՅԱՆ

ՀԿՊ Հոկտեմբերյանի շրջկոմի ֆաբրուդար

Երկրին ավելի շատ գյուղատնտեսական մթերքներ տալու գործում վճռական դեր է պատկանում առաջավոր փորձի տարածմանն ու արմատավորմանը: Այդ ուղղությամբ մեծ աշխատանք է կատարել Հոկտեմբերյանի շրջանի Հոկտեմբեր գյուղի կոլտնտեսությունը: Այստեղ մշակվում է 400 հեկտար բամբակ: Մինչև 1955 թվականը այս կոլտնտեսությունում կար դաշտավարական 12 բրիգադա: Բոլոր բրիգադաները կոլտնտեսության տարբեր դաշտերից հողակտորներ ունեին: Այդ հանգամանքը խիստ բացասաբար էր անդրադառնում կոլտնտեսության աշխատանքի կազմակերպման վրա: Հոկտեմբերցիները Ադրբեջանի և Տաջիկստանի բամբակագործների օրինակով ընթացիկ տարվա առաջ գարնանից խոշորացրին արտադրական բրիգադաները և 12-ի փոխարեն կազմվեց 4 դաշտավարական բրիգադա:

Աշխատանքի այս նոր ձևը լայն հնարա-
վորութիւններ բացեց բրիգադաներում աշ-
խատանքը ճիշտ կազմակերպելու ու կոնկ-
րետ դեկավարելու համար: Բրիգադիւրը հնա-
րավորութիւն ունեցավ ամեն օր շափել ու
հաշվել իր բրիգադայի կատարած աշխա-
տանքը, շփվել բոլոր աշխատողների հետ,
ստուգել աշխատանքի որակը, ժամանակին
տեսնել աշխատանքի առաջավորներին և ետ
մնացողներին:

Բացի այս բոլորից, Հոկտեմբերի կոլտըն-
տեսութիւնը ընթացիկ տարում առաջին ան-
գամ կիրառեց բամբակենու մշակութեան
նոր, քառակուսի-քնային նեղաշար եղանա-
կը. այս աշխատանքը նույնպէս տվեց իր
հիանալի արդյունքը:

Կոլտնտեսականները սոցիալիստական
մրցութեան մեջ մտնելով Տաջիկական ՍՍՌ-
Գիսարի շրջանի Խանակին գյուղի Ժգանովի
անվան կոլտնտեսութեան բամբակագործնե-
րի հետ, այս տարի օգոստոս ամսին այցե-
լեցին իրենց մրցակիցներին, ուսումնասիրե-
ցին նրանց աշխատանքի մեթոդները և շատ
բան սովորեցին նրանցից:

Տաջիկիստանի առաջավոր բամբակագործ-
ների օրինակով հոկտեմբերցիները այս տա-
րի ուշ ոռոգեցին բամբակենու պլանտացիա-

— 32 —

ները, որի շնորհիվ բամբակենին ունեցավ
փարթամորեն զարգացած արմատային սիս-
տեմ: Դրան հաջորդեցին խորը փխրեցումը
ինչպես մեքենայով, այնպես էլ ձեռքով, կա-
տարվեց խոր ծերատում և տրվեց բույսի
պահանջի շափով սնուցում: Հոկտեմբերցի-
ները եկող տարվանից կիրառելու են նաև
արտաարմատային սնուցման Տաջիկստանի
բամբակագործների աշխատանքի լավագույն
մեթոդը, որը 2—3 ցեխնտներով բարձրանում
է բամբակի յուրաքանչյուր հեկտարի բերքը:

Աշխատանքի առաջավոր մեթոդները բոլոր
բամբակագործների սեփականութիւնը դարձ-
նելու համար Հոկտեմբերի պարտիական
կազմակերպութիւնը արդեն գիմել է մի
շարք գործնական քայլերի: Կոլտնտեսութեան
պարտիական կազմակերպութիւնը ՍՄԿՊ
Կենտկոմի Հունվարյան պլենումից անմիջա-
պէս հետո, փետրվար ամսին, քննութեան ա-
ռավ առաջավոր փորձի արմատավորման
հարցը: Ագիտատորներին հանձնարարվեց
բրիգադաներում զրույցների, զեկուցումների,
պատի թերթերի և իլլիշովկաների միջոցով
տարածել առաջավոր բամբակագործների
փորձը: Բացի այդ, կոլտնտեսութիւնում ա-
ռաջավոր փորձը արմատավորելու նպատա-
կով սիստեմատիկ հրավիրվում են բրիգա-

դային արտադրական խորհրդակցություններ, որտեղ իրենց աշխատանքի դրական փորձի մասին պատմում են առաջավոր բամբակադործները: Այսպես, օրինակ, բրիգադիր Հ. Հակոբյանը, օղակավարուհի Մ. Ասլանյանը և ուրիշները մի քանի անգամ հանդես են եկել կոլտնտեսականների առջև և պատմել բամբակենին մշակելու իրենց փորձի մասին: Պարտիական կազմակերպության հանձնարարությամբ ագիտատորները առաջավորների փորձը տարածում են բրիգադաներում և օղակներում:

Առաջավորների փորձը տարածելու համար օգտագործվում են նաև ցուցադրական ագիտացիան, սոցիալիստական մրցության տախտակները, դիագրամաները, պատվոտախտակները և այլն:

Առաջավոր փորձի արմատավորմանը մեծ շահով օգնում են նաև կոլտնտեսականների համար մասնագիտական թեմաներով կարդացված զեկուցումները, ուր գիտության նվաճումները շաղկապվում են արտադրական պրակտիկ աշխատանքի հետ: Միայն վերջին երեք ամսվա ընթացքում կոլտնտեսականների համար գյուղատնտեսական թեմաներով կարդացվել է ավելի քան 13 զեկուցում: Օրինակ, «Թերթատվության բարձ-

— 34 —

րացման ուղիների մասին» թեմայով զեկուցում է կարդացել գյուղատնտեսական գիտությունների դոկտոր Հ. Թումանյանը և ուրիշ մասնագետներ:

Կոլտնտեսությունում ստեղծված է գյուղատնտեսական կոլտուրայի տոմս, որտեղ ցուցադրվում են գյուղատնտեսության առաջավորների կողմից մշակվող կոլտուրաներից լավագույն նմուշներ, պարզաբանվում են այդ առաջավորների աշխատանքի ձևերն ու մեթոդները:

— Մեզ մոտ 100 կիլոգրամ բամբակ հավաքելը դա բոլորիս պարտականությունն է, իսկ կոլտնտեսականներն էլ ունենք, որոնք օրական հավաքում են 200—250 կիլոգրամ, — հայտարարում է կոլտնտեսության նախագահ ընկ. Ա. Սահակյանը: Եվ իրոք, եթե անցյալ տարի 2. Մայրոյանը հավաքում էր 100—120 կիլոգրամ բամբակ, այս տարի նա 200 կիլոգրամից պակաս չի հավաքում: Առաջավոր շանաքավորներ Մ. Ասլանյանը, Հ. Սմբատյանը, Ռ. Հարությունյանը և ուրիշներ սեզոնի ընթացքում արդեն հավաքել են 3.900—4.000 կիլոգրամ բամբակ, օրվա առաջադրանքները կատարելով 300—350 տոկոսով: Կոլտնտեսությունը մինչև հոկտեմբերի 15-ը բամբակի հանձնման տարեկան

— 35 —

պլանը կատարել է 85 տոկոսով: Հոկտեմբերացիները պարտավորվել են մինչև սեզոնի վերջը 150 տոկոսով կատարել բամբակի մթերման տարեկան պլանը՝ յուրաքանչյուր հեկտարից մթերակայան հանձնելով 38 ցենտներ բամբակ:

Հոկտեմբերացիների աշխատանքի փորձը շրջանի պարտիական կազմակերպությունը ընդհանրացնում և տարածում է բոլոր կոլտնտեսություններում: Նրանց օրինակով շրջանի մյուս կոլտնտեսությունների բամբակագործները պայքարում են անկորուստ հավաքել բամբակի մինչև վերջին փաթիլը և հարազատ պետությունը հանձնել ավելի շատ բամբակ:

ՏԵՂԵԿԱՏՈՒ ԲԱԺԻՆ

Կ Ի Պ Ր Ո Ս

(Տեղեկանք)

Կիպրոս կղզին գտնվում է Միջերկրական ծովի արևելյան մասում: Նրա երկարությունը 225 կիլոմետր է, իսկ միջին լայնությունը՝ 60 կիլոմետր: Կիպրոսի տերիտորիան հավասար է 9251 քառակուսի կիլոմետրի, որի բնակչության թիվը հասնում է ավելի քան 500 հազարի: Ազգաբնակչությունը հիմնականում կազմում են հույները (400 հազար) և թյուրքերը (90 հազար): Կիպրոսը գտնվելով Միջերկրական ծովի արևելյան մասի կենտրոնում, մոտ է Թյուրքիայի, Լիբանանի և Սիրիայի ափերին և հանդիսանում է Սուեզի ջրանցքի բանալին: Կիպրոսի վրայով է անցնում Եվրոպա-Մերձավոր Արևելք տանող օդային կարևոր գիծը: Կիպրոսի ստրատեգիական դիրքը միշտ էլ իր վրա է կենտրոնացրել օտարերկրյա զավթիչների ուշադրությունը:

Կիպրոսը պատմականորեն եղել է հունական կղզի (3000 տարի): 1571 թվականին Թյուրքիան բռնի կերպով գրավում է Կիպրո-

սը և 300 տարի իր ձեռքում պահելուց հետո, 1878 թվականին այն «Ժամանակավորապես» վարձով հանձնում է Անգլիային: Անգլիան այդ ժամանակվանից Կիպրոսը պահում է իր ձեռքում, և այնտեղ գնալով ավելի ամրապնդելով իր դիրքերը, 1925 թվականին ձևականորեն Կիպրոսը հայտարարում է բրիտանական գաղութ և նրա ղեկավարությունը հանձնում անգլիական նահանգապետին:

Կիպրոսի բնակչությունը միշտ էլ պայքարել է անգլիական գաղութարարների լծից ազատգրվելու համար: Սակայն ազատագրական այդ պայքարում բնակչությունը բաժանված է երկու մասի՝ հույները պահանջում են միանալ Հունաստանին, իսկ թյուրքերը՝ Թյուրքիային: Անգլիական տիրող շրջանները օգտվելով բնակչության մեջ եղած հակասությունից, Կիպրոսը պահում են իրենց իշխանության տակ և այն դարձրել են իրենց հիմնական ռազմական բազան:

1951 թվականի հունվարի 15-ին Կիպրոսում անցկացվեց հանրաքվե՝ Հունաստանին միավորելու համար: Այդ քվեարկության համար ցուցակագրած 224 հազար 747 մարդուց քվեարկությանը մասնակցեց 215 հազար 108 մարդ:

Հունական կառավարությունը, հաշվի առ-

— 38 —

նելով իր հայրենակիցների ցանկությունը, 1954 թվականի դեկտեմբերին Կիպրոսի հարցը մտցնում է ՄԱԿ-ի գլխավոր ասամբլեայի 9-րդ սեսիայի քննարկմանը: Անգլո-ամերիկյան բլոկը խանգարում է քննարկել այդ հարցը:

Կիպրոսի բնակչության մեջ սկսվում են հուզումներ և ազգային-ազատագրական շարժում, որը խիստ անհանգստություն է պատճառում անգլիական տիրող շրջաններին:

1955 թվականի սեպտեմբերին, հոմանական կառավարության դելեգատիան կրկին Կիպրոսի հարցը մտցնում է ՄԱԿ-ի գլխավոր ասամբլեայի 10-րդ սեսիայի քննարկմանը: Սակայն այս անգամ ևս անգլո-ամերիկյան մեծամասնությունը դեմ է դուրս գալիս և խանգարում Կիպրոսի հարցի լուծումը: ՍՍՌՄ դելեգացիան, ելնելով ՄԱԿ-ի Կանոնադրության պահանջներից, կողմնակից է և պահանջում է, որպեսզի քննարկվի ու լուծվի Կիպրոսի ազատասեր ժողովրդի պահանջը:

ԹԵՄԱՆԵՐ ԵՎ ԳՐԱԿԱՆՈՒԹՅՈՒՆ ԱԳԻՏԱՏՈՐՆԵՐԻ ԶՐՈՒՅՑՆԵՐԻ ՀԱՄԱՐ

1. ՀԱՅ ԺՈՂՈՎՐԴԻ ԱԶԱՏԱԳՐՈՒԹՅԱՆ 35-ՐԴ ՏԱՐԵԴԱՐՁԸ

ԳՐԱԿԱՆՈՒԹՅՈՒՆ

Վ. Ի. ԼՆՆԻՆ.— Ի՞նչ է Սովետական իշխանությունը, երկեր, հատոր 29, էջ 295—296, Հայպետհրատ, 1951:

Ի. Վ. ՍՏԱԼԻՆ.— Կեցցե՛ք Սովետական Հայաստանը, երկեր, հատոր 4, էջ 458—459, Հայպետհրատ, 1948:

Արդյունաբերության հետագա վերելքի, տեխնիկական պրոգրեսի և արտադրության կազմակերպումը բարելավելու խնդիրների մասին: ՄՄԿՊ Կենտրոնական Կոմիտեի պլենումի որոշումը՝ ընդունված 1955 թվականի հուլիսի 11-ին ընկ. Ն. Ա. Բուլգանինի զեկուցման առթիվ: Հայպետհրատ, 1955:

Լ. Մ. ԿԱԳԱՆՈՎԻՉԻ զեկուցումը Մոսկվայի Սովետի հանդիսավոր նիստում 1955 թվականի նոյեմբերի 6-ին, տպագրված «Ս. Հ.»-ի նոյեմբերի 7-ի համարում:

— 40 —

2. 1905—1907 թ. թ. ՌՈՒՍԱԿԱՆ ԱՌԱՋԻՆ ՌԵՎՈՅՈՒՑՈՒՑԻԱՆ

ԳՐԱԿԱՆՈՒԹՅՈՒՆ

Վ. Ի. ԼՆՆԻՆ.— Ռեվոյուցիան Ռուսաստանում, ռեվոյուցիայի սկիզբը Ռուսաստանում, ռեվոյուցիան օրեր, Առաջին դասերը, երկեր, հատոր 8, էջ 71—72, 105—109, 111—139, 160—166, Հայպետհրատ, 1949:

Վ. Ի. ԼՆՆԻՆ.— Ռեվոյուցիան և կոնտրռեվոյուցիան, երկեր, հատոր 13, էջ 132—141, Հայպետհրատ, 1950

Վ. Ի. ԼՆՆԻՆ.— Ռեվոյուցիայի դասերը, երկեր, հատոր 16, Հայպետհրատ, 1950:

Վ. Ի. ԼՆՆԻՆ.— Ճառ 1905 թվականի դեկտեմբերյան ապստամբության տարեդարձին նվիրված միտինգում, երկեր, հատոր 30, էջ 346—353, Հայպետհրատ, 1951:

Ի. Վ. ՍՏԱԼԻՆ.— Բոլոր քանվորներին, երկու գոտեմտեր, Արդի մոմենտը և բանվորական պարտիայի միավորիչ համագումարը, հատոր 1, էջ 214—222, 282—311, Հայպետհրատ, 1946:

Սովետական Միության Կոմունիստական պարտիայի 50 տարին (1903—1953):

Ռուսական ռեվոյուցիայի 50 տարին (ՄՄԿՊ Կենտկոմին կից Մարքսի—էնգելսի—Լենինի—Ստալինի ինստիտուտի թեզիսները): Առանձին բրոշյուր, Հայպետհրատ, 1955:

— 41 —

3. ՀՐԵՏԱՆՈՒ ՕՐԸ

4. ՍՈՎԵՏԱԿԱՆ ՄԻՈՒԹՅՈՒՆԸ ՊԱՅՔԱՐՈՒՄ Է ԺՈՂՈՎՈՒՐԴՆԵՐԻ ԱՆՎՏԱՆԳՈՒԹՅՈՒՆՆ ԱՊԱՀՈՎԵԼՈՒ ՀԱՄԱՐ

ԳՐԱԿԱՆՈՒԹՅՈՒՆ

Լ. Մ. ԿԱԳԱՆՈՎԻԶԻ գեղուցումը Մոսկվայի Սովետի հանդիսավոր նիստում 1955 թվականի նոյեմբերի 6-ին, տպագրված «Ս. Հ.»-ի 1955 թվականի նոյեմբերի 7-ի համարում:

Ն. Ա. ԲՈՒԼԳԱՆԻՆ— Չորս տերությունների կառավարությունների ղեկավարների ժնկի խորհրդակցության արդյունքները: Զեկուցում՝ ՍՍՌՄ Գերագույն Սովետի Երրորդ սեսիայում 1955 թ. օգոստոսի 4-ին, տպագրված «Ս. Հ.»-ի նույն թվականի օգոստոսի 5-ի համարում:

Վ. Մ. ՄՈԼՈՏՈՎԻ Հայտարարությունը Չորս տերությունների արտաքին Գործերի մինիստրների ժնկի խորհրդակցությունում տպագրված «Ս. Հ.»-ի 1955 թվականի հոկտեմբերի 29-ի համարում:

Վ. Մ. ՄՈԼՈՏՈՎԻ Հայտարարությունը Չորս տերությունների արտաքին գործերի մինիստրների ժնկի խորհրդակցությունում՝ Եվրոպայի անվտանգության հարցի մասին, տպագրված «Ս. Հ.»-ի 1955 թվականի նոյեմբերի 1-ի համարում:

— 42 —

Եվրոպայի կոլեկտիվ անվտանգության համաժողովական պայմանագիր (նիմնական սկզբունքներ): ՍՍՌՄ դեկտեմբերի առաջարկը Չորս տերությունների արտաքին գործերի մինիստրների ժնկի խորհրդակցությունում, տպագրված «Ս. Հ.»-ի 1955 թվականի նոյեմբերի 1-ի համարում:

Հանուն միջազգային լարվածության հետագա բուլացման, «Պրավդա»-ի հոկտեմբերի 18-ի առաջնորդողը, տպագրված «Ս. Հ.»-ի 1955 թվականի սեպտեմբերի 19-ի համարում:

ՍՄԿՊ Կենտկոմի կոչերը Հոկտեմբերյան Սոցիալիստական Մեծ ռեկոնստրուկցիայի 38-րդ տարեդարձի առթիվ, տպագրված «Ս. Հ.»-ի 1955 թվականի հոկտեմբերի 25-ի համարում:

5. ԼՐԻՎ ԿԱՐՈՂՈՒԹՅԱՄԲ ՕԳՏԱԳՈՐԾԵՆՔ ՉԵՌՆԱՐԿՈՒԹՅԱՆ ՏԵԽՆԻԿԱՆ, ԱՆԸՆԴՀԱՏ ԱՎԵԼԱՑՆԵՆՔ ԱՐՏԱԴՐԱՆՔԻ ԹՈՂԱՐԿՈՒՄԸ ԵՎ ԲԱՐՁՐԱՑՆԵՆՔ ՆՐԱ ՈՐԱԿԸ

ԳՐԱԿԱՆՈՒԹՅՈՒՆ

Ն. Ա. ԲՈՒԼԳԱՆԻՆ— Արդյունաբերության հետագա վերելքի, տեխնիկական պրոգրեսի և արտադրության զարգացման համար բարելավելու խնդիրների մասին: Զեկուցում՝ ՍՄԿՊ Կենտրոնական կոմիտեի պլենում-

— 43 —

Մամ 1955 թվականի հուլիսի 4-ին, Հայպետհրատ, 1955:

Գեպի Սովետական Միության Կոմունիստական պարտիայի 20-րդ համագումարը, «Պրավդա»-ի հուլիսի 18-ի առաջնորդողը, տպագրված «Ս. Հ.»-ի 1955 19-ի համարում:

ՍՄԿՊ Կենտկոմի կոչերը Հոկտեմբերյան Սոցիալիստական Մեծ ռեվոլյուցիայի 38-րդ տարեդարձի առթիվ, տպագրված «Ս. Հ.»-ի 1955 թվականի հոկտեմբերի 25-ի համարում:

Կոնկրետ, օպերատիվ կերպով ղեկավարել արդյունաբերությունը, «Ս. Հ.»-ի առաջնորդողը, տպագրված 1955 թվականի հոկտեմբերի 20-ի համարում:

6. ԼԱՅՆՈՐԵՆ ՕԳՏԱԳՈՐԾԵՆՔ ԱՐՏԱԴՐՈՒԹՅԱՆ ԱՌԱՋԱՎՈՐՆԵՐԻ ԱՇԽԱՏԱՆՔԻ ԴՐԱԿԱՆ ՓՈՐՁԸ

ԳՐԱԿԱՆՈՒԹՅՈՒՆ

Արդյունաբերության հետագա վերելի, տեխնիկական պրոգրեսի և արտադրության կազմակերպմը բարելավելու խնդիրների մասին: ՍՄԿՊ Կենտկոմի պլենումի որոշումը՝ ընդունված 1955 թվականի հուլիսի 11-ին ընկ. Ն. Ա. Բուլգանինի ղեկուցման առթիվ, Հայպետհրատ, 1955:

ՍՄԿՊ Կենտկոմի կոչերը Հոկտեմբերյան Սոցիալիստական

— 44 —

տական Մեծ ռեվոլյուցիայի 38-րդ տարեդարձի առթիվ, տպագրված «Ս. Հ.»-ի 1955 թվականի հոկտեմբերի 25-ի համարում:

Ռեսպուբլիկայի արդյունաբերության հետագա վերելի համար, «Ս. Հ.»-ի առաջնորդողը, տպագրված 1955 թվականի օգոստոսի 29-ի համարում:

7. ԱՊԱՀՈՎԵՆՔ ԱՆԱՍՈՒՆՆԵՐԻ ԼԱՎԱԳՈՒՅՆ ԽՆԱՄՔԸ ՄՍՈՒՐԱՅԻՆ ՇՐՋԱՆՈՒՄ

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉԵՎ— Անասնաբուծական մթերքների արտադրությունն ավելացնելու մասին: Զեկուցում ՍՄԿՊ Կենտնորոնական Կոմիտեի պլենումում 1955 թվականի հունվարի 25-ին: Հայպետհրատ, 1955:

ՍՄԿՊ Կենտկոմի կոչերը Հոկտեմբերյան Սոցիալիստական Մեծ ռեվոլյուցիայի 38-րդ տարեդարձի առթիվ, տպագրված «Ս. Հ.»-ի 1955 թվականի հոկտեմբերի 25-ի համարում:

Լավ նախապատրաստել տնասունների ձմեռումը, «Ս. Հ.»-ի առաջնորդողը, տպագրված 1955 թվականի հոկտեմբերի 11-ի համարում:

Օրինակելիորեն նախապատրաստել տնասունների ձմռան-մսուրային շրջանը, «Հայաստանի կուլտնոսական» ամսագրի առաջնորդողը՝ տպագրված № 10-ում:

**8. ԺԱՄԱՆԱԿԻՆ ԵՎ ԲԱՐՁՐ ՈՐԱԿՈՎ
ԿԱՏԱՐԵՆՔ ՏՐԱԿՏՈՐՆԵՐԻ ԵՎ
ԳՅՈՒՂԱՏՆՏԵՍԱԿԱՆ ՄՅՈՒՍ ՄԵՔԵՆԱՆԵՐԻ
ՈՒ ԳՈՐԾԻՔՆԵՐԻ ՎԵՐԱՆՈՐՈԳՈՒՄՆԵՐԸ**

ԳՐԱԿԱՆՈՒԹՅՈՒՆ

Մեֆենատրակտորային կայանների աշխատանքի հետազոտության միջոցառումների մասին: ՍՍՌՄ Մինիստրների Սովետի և ՍՄԿՊ Կենտրոնական Կոմիտեի որոշումը: Հայպետհրատ, 1953:

ՍՄԿՊ Կենտկոմի և ՍՍՌՄ Մինիստրների Սովետի հրավիրած ՄՏԿ-ների աշխատողների համամիութենական խորհրդակցության մասնակիցների ԴԻՄՈՒՄԸ Սովետական Միության մեֆենատրակտորային կայանների բոլոր բանվորներին, մասնադետներին և ծառայողներին, տպագրված «Ս. Հ.»-ի 1954 թվականի հունվարի 30-ի համարում:

ՆՈՐ ԳՐՔԵՐ

Ատ. Շահումյան— Երկեր, հատոր 1, Հայպետհրատ, 1955 թ., տիրաժ 10.000, գինը 5 ռ. 40 կոպ.


Մեր մեծ Հայրենիքը (Ծավալուն նյութեր Սովետական Միության 16 ռեսպուբլիկաների պատմա-աշխարհագրական կազմության վերաբերյալ), Հայպետհրատ, 1955 թ., տիրաժ 5.000, գինը՝ 11 ռ. 95 կոպ.

Խ. Ախմեջտին— Պետական գաղտնիքի պահպանումը սովետական քաղաքացիների պարտքն է: Հայպետհրատ, 1955 թ., տիրաժ 3.000, գինը՝ 75 կոպ.

Ս. Հարությունյան— Սովետական առևտուրը որպես անձնական սպառման առարկաների բաշխման հիմնական ձև: Հայկական ՍՍՌ քաղաքական և գիտական գիտելիքների տարածման ընկերության հրատարակություն, 1955 թ., տիրաժ 3.000, գինը 75 կոպ.

Գ. Տրոպոլսկի— Պրոխոր տասնյոթերորդը և ուրիշներ: Վիպակ, Հայպետհրատ, 1955 թ., տիրաժ 5.000, գինը՝ 3 ռ. 90 կոպ.

Էդ. Զրբաշյան— Պոեմի ժանրը սովետահայ գրականության մեջ: Երևանի պետական համալսարանի հրատարակություն, 1955 թ., տիրաժ 4.000, գինը 7 ռուբլի:



Շիրվանզադե — Վարդան Ահրուսյան: Վիպակ, Հայ-
պետհրատ, 1955 թ., տիրած 10.000, գինը՝ 2 ռ. 45
կոպ.:

Սիմակ — Հասկեր (պատմվածքներ): Հայպետ-
հրատ, 1955 թ., տիրած 10.000, գինը՝ 2 ռ. 80 կոպ.:

Հենրիկ Թումանյան — Հայրենի վտակ (բանաս-
տեղծություններ): Հայպետհրատ, 1955 թ., տիրած
3.000, գինը՝ 2 ռ. 50 կոպ.:

СОДЕРЖАНИЕ

Стр.

ТЕМЫ ДЛЯ БЕСЕД

35-я годовщина установления Советского
строя в Армении 1

ИЗ ОПЫТА ПЕРЕДОВИКОВ

А. Никогосян — В честь XX съезда КПСС 24

А. Мкртчян — По примеру передовых хлоп-
ководов 31

Справочный отдел — Кипр 37

В ПОМОЩЬ АГИТАТОРАМ

Темы и литература для бесед агитаторов 40

Новые книги 47

Խմբագիր՝ ԳՐ. ՊԵՏՐՈՍՅԱՆ

ՎՐԻՊԱԿ

4-րդ էջի ներքևից վերև 7-րդ տողը կտրվել է
1913 թվականին և այնուհետև, ինչպես տեղե-
տույթ:

**ԲԱՑՎԱԾ Է
„ԱԳԻՏԱՏՈՐԻ ԲԼՈԿՆՈՏ“-Ի**

1956 թվականի

ԲԱԺԱՆՈՐԴԱԳՐՈՒԹՅՈՒՆ

Բաժանորդագրությունն ընդունվում է կապի
գրասենյակների և «Սոյուզպեչատ»-ի բոլոր
բաժանմունքներում:

Հուլիս է տեւում ամսական 2 անգամ:

ԲԱԺԱՆՈՐԴԱԳՐՈՒԹՅԱՆ ՊԱՅՄԱՆՆԵՐԸ

12 ամիսը — 12 ռ.,

6 ամիսը — 6 ռ.,

1 համարը — 50 կոպեկ:

«ՍՈՅՈՒԶՊԵՇԱՏ»

Отдел Пропаганды и агитации

ЦК КП Армении

БЛОКНОТ АГИТАТОРА

№ 21

1955 г.

ՎՅ 13092

Պատվեր 954

Տիրաժ 8570

ՀՍՍՌ Կուլտուրայի մինիստրության հրատարակչու-
թյունների և տպագրաֆ արգյունաբերության գլխավոր
վարչության № 2 տպարան, Երևան, Կոմյունիստի № 8:
Գինը 50 կոպ.